

## Afhending einkunna og brautskráning

Brautskráning stúdenta fer fram í Háskólabíói þann 23. maí næstkomandi. Athöfnin hefst klukkan 13:00 (stúdentsefni mæta klukkan 12:20) og má reikna með að hún standi yfir í um tvo tíma. Að brautskráningu lokinni ganga stúdentar að aðalbyggingu Háskóla Íslands þar sem tekin verður mynd af hópnum. Gera má ráð fyrir því að það taki u.þ.b. hálf tíma.

Afhending verslunarprófsskirteina fer fram miðvikudaginn 20. maí klukkan 10:00 í Bláa sal. Um formlega athöfn er að ræða og eru nemendur því beðnir um að mæta snyrtilegir til fara.

Nemendur í 3. og 5. bekk fá einkunnir rafrænt í upplýsingakerfinu um klukkan 20:00 19. maí.

Prófsýning verður 20. maí fyrir alla bekki milli kl.12:15 og 13:30.

Dagana 17. til 19. maí verður haft samband við þá nemendur sem ekki ná tilskildum lámárgangnum til þess að útskrifast. Næstu daga eru því engar fréttir góðar fréttir.

## Peysufatadagur og dimissio

Mánudaginn 27. apríl klæddu 4. bekkingar sig upp að gefnu tilefni og héldu árlegan peysufatadag hátíðlegan. Nemendur skemmtu sér vel og fengu afar jákvæða athygli og umfjöllun í fjölmiðlum. Gaman var að sjá hversu margir foreldrar og forráðamenn fylgdu börnum sínum eftir. Um kvöldið var haldið ball sem heppnaðist vel og er óhætt að segja að þau hafi verið sjálfum sér og skólanum til mikils sóma.

Dimissio stúdentsefna fór fram í Bláa sal þriðjudaginn 28. apríl. Fulltrúar bekkja

fluttu stutt ávörp þar sem þeir þökkðu kennurum og öðru starfsfólki fyrir þeirra störf og samfylgdina þau fjögur ár sem liðin eru. Af þakkarávörpunum að dæma hafa árin í Verzló verið nemendum góð og kennararnir eftirminnilegir, og ekki endilega alltaf vegna þess námsefnis sem þeir kenndu. Dimissio lauk síðan með sam-eiginlegum kvöldverði stúdentsefna og starfsmanna í Gullhömrum þar sem nemendur sáu um öll skemmtiatriði við góðar undirtektir.



## Lokaball

Lokaballið verður haldið í Hörpu föstudaginn 15. maí. Það heyrir til undantekninga að halda framhaldsskólakaball á föstudegi. Augljós ástæða er að nemendur hafa ekki fengið leigðan stað fyrir sínar skemmtanir þar sem helstu ballstaðir hafa verið uppteknir. Þar að auki hefur landslagið breyst nokkuð á undanförunum misserum og nú eru afar fáir staðir eftir sem geta hýst yfir 1000 manna böll með góðu móti. Harpan hefur verið sá staður sem okkur hefur þótt einna heppi-legastur fyrir stóra dansleiki og aðstæður bestar þar. Í ljósi þess að Harpan var einungis laus einn dag í maí og það var 15. maí var ákveðið að gefa leyfi fyrir balli þennan dag.

Húsið opnar klukkan 22:00 og því verður lokað stundvíslega klukkan 24:00. Mikilvægt er að tíma-setningar séu virtar:

3. bekkur mætir kl. 22:00-22:20

4. bekkur mætir kl. 22:20-22:40

5. bekkur mætir kl. 22:40-23:00

6. bekkur mætir kl. 23:00-23:30

Ballinu lýkur klukkan 01:00.

Edrúpotturinn verður á sínum stað með veglegum vinningum.

## Endurtekt og sumarönn í fjarnámi

Dagana 1. - 4. júní verða endurtektarpróf í dagskólanum. Niðurröðun prófa birtist síðar á heimasíðu skólans.

Nemendur sem ekki ná endurtektarprófi, eða kjósa að þreyta þau ekki, þurfa að endurtaka áfangann í fjarnámi. Mikilvægt er að þeir nemendur, sem ekki ná endurtektarprófi, skrái sig sjálfir í fjarnámið á heimasíðu skólans um leið og niðurstöður liggja fyrir.

Skráning er frá 19. maí – 1. júní og er fjarnámið öllum opið. Nemendur VÍ geta skráð sig til 9. júní.

Aðrar dagsetningar fjarnámsins:  
-16. júní: Próftaflan kemur á netið.  
-5. - 12. ágúst: Sumarannarpróf.  
-17. ágúst: Einkunnir sendar heim til nemenda í pósti.

